

**Būreejtōn Henry B. Eyring**

Rikakpilōklōk eo Kein Kajuon ilo  
Būreejtōnji eo Kein Kajuon



# Aenōmman ilo Mour In

**N**an kōj wōj aolep ro rekar ļotak tok ilo mour in, Rilōmqōr ekar ba, “Ilo laļ komij eņtaan, a komwin mōņōņō, “Ŋa Iar bōk anjō ioon laļ” (Jon 16:33).

Ekar leļok kallimur in emman nan rijilok ro An ilo iien kwaļok eo An ilo mour in: “Aenōmman Ij likūt ŋa ippemi, Aō aenōmman Ij lewōj nan kom, jab āinwōt an laļ lewōj” (Jon 14:27). Ej juon naan in kaenōmman nan jeļā bwe kallimur in kōn juon make aenōmman ej wōnmaanļok wōt nan aolep rikaļoor ro An rainin.

Jet iaad rej mour ilo peļaaak ko raiboojoj im aenōmman, im jej loe wōt poktak ko ilo kōj. Ro jet rej eņjake aenōmman im inemman eo ewājabdik ilo an jako ro rejitōn bōro ippāer, eņtaan, im an jab bōjrak kapo ko.

Kwaar maroņ lo kabwilōnlōn ko itok wōt jān aenōmman eo iturin mejān juon rikaļoor an Jisōs Kraist ak roņ kake ilo naan ko an. Ikar loe menin elōn kōttan. Jet iien kar ilo juon ruum ilo aujipitōl ijo juon baamle ej kuktok ippān doon ipeļaaakin juon rikarejar an Anij eo epaak an jako.

Ij keememej juon kōrā ilo aujipitōl jejo raan mōkta jān an kar mej kōn kāānjer. Ikar bōktok ruo iaan leddik ro nejū nan kōbwebwenatoik eō kōnke sister in juon iien kar aer rūkaki ilo Būraimere.

Ro uwaan baamle eo an rekar kuktok ippān doon ipeļaaakin peet eo an, rekar kōņaan pād ippān ilo iien eo an āliktata ioon laļ in. Ikar bwilōn ke ekar jerkak tok jān peet eo an. Ekar kepaaktok leddik ro nejū im kwaļok kadkadierro jimor, juon ļok juon, nan kajjojo ro uwaan baamle

eo an. Ekar kōnono āinwōt ŋe leddik ro nejū rekar lerooj ro kar kwaļok kadkadier ilo court an juon lerooj. Ekar loe juon wāween an kōmeleļeik kajjojo armej ilo ruum eo āinwōt juon rikaļoor an Rilōmqōr eo. Ij keememej wōt kajoor, jōuj, im iakwe ilo ainikien. Im ij keememej aō bwilōn ilo an emōņōņō im ettōn meņe ekar jeļā bwe iien eo an ioon laļ in ekar kadu.

Ekar bōk kōjeraamman ko an priesthood kōn kaenōmman, innām ekar kwaļok nan kōm aolep juon naan in kaṃool bwe kallimur eo an Irooj kōn aenōmman ej mool: “Men kein Iar kōnono nan kom, bwe ilo Ŋa komwin aenōmman. Ilo laļ komij eņtaan, a komwin mōņōņō: Ŋa Iar bōk anjō ioon laļ” (Jon 16:33).

Ekar bōk kūr eo An, barāinwōt ŋe kōj aolep maroņ, mekarta mālijoņ ko ad im inepata ko:

“Komwin itok nan Ippa, kom otemjej rej jermal im ban, im Inaaj kakkijeik kom.

“Komwin bōk Aō ine im likūte i aerami, im katak Ippa, bwe Ij ineemman im ettā būruō, im kom naaj lo ami kakkije” (Matu 11:28–29).

Ej wāween eo wōt jān ļoor Rilōmqōr bwe jabdewōt iaad emaroņ loe aenōmman im inemman ilo mālijoņ ko me renaaj itok nan kōj aolep.

Jar in kwojkwoj eo ej jipaņ kōj aolep nan jeļā ekōjkan ad loe aenōmman in ilubwilijin eņtaan ko an mour. Ilo ad bōk mōttan kwojkwoj eo, jemaroņ ļōmņak bwe jen tiljek nan bujen ko ad nan ļoor E.

Kōj kajjojo ej kallimur n̄an keememej Rilom̄oḡ eo. Komaroñ kālet n̄an keememej E ilo wāween eo me em̄man im kepaakl̄ok būruwōm̄ n̄an E. Jet iien n̄an n̄a, ej n̄an loe E ilo l̄om̄nak eo aō an bukwelōlō ilo Jikin Kallib Gethsemane ak n̄an loe An kūr Lazarus tok j̄an lōb eo. Ilo aō kōm̄man āindein, ij eñjake aō epaake E im ij eñjake juon kam̄moolol eo ej bōktok aenōm̄man ilo būruwō.

Kwoj barāinwōt kallimur n̄an kōjparok kien ko An. Kwoj kallimur n̄an bōk Etan ioom̄ im erom An rikam̄ool. Ej kallimur bwe ilo am̄ kōjparok bujen ko Ippān, Jetōb Kwojarjar eo enaaj pād ippām̄. (Lale K&B 20:77, 79.)

Menin ej bōktok aenōm̄man ilo wāween kein ruo. Jetōb Kwojarjar eo ej kareeik kōj j̄an jerawiwi kōnke Pinmuur eo an Jisōs Kraist. Im Jetōb Kwojarjar eo emaroñ letok n̄an kōj aenōm̄man eo ej itok j̄an kōm̄alim eo an Anij im kōjat-dikdik eo kōn mour indeeo.

Rijilōk Paul ekar kōnono kōn kōjeraam̄man in em̄man: “A leen Jetōb, yokwe, lañlōñ, aenōm̄man, meanwōd, jouj, em̄man, tiljek” (Galetia 5:22).

Ke enjeļ ro ilañ rekar kōjjeļl̄ā kōn l̄otak eo an Rilom̄oḡ eo, rekar ba, “Aiboojoj n̄an Anij ilo utiejtata, im *aenōm̄man ioon laļ*” (Luk 2:14; naan eo eaorōk kar kobaiktok). Ij kwaļok aō naan in kam̄ool āinwōt juon rikam̄ool an Jisōs Kraist bwe Jemān im Nejin Jitōn Bōro remaroñ jilkintok Jetōb eo n̄an kōtļok ad lo aenōm̄man ilo mour in, jabdewōt mālijoñ emaroñ itok n̄an kōj im n̄an ro jej iakwe er.

## KATAKIN JĀN ENNAAN IN

Būreejtōn Eyring ej katakin bwe jar ko an kwojkwoj eo remaroñ jipañ kōj jeļā ekōjkan ad lo aenōm̄man ilo mālijoñ ko ad. Rej kakeememej kōj bwe ilo ad kōjparok bujen ko ad, jej bōk kallimur eo an Anij bwe Jetōb Kwojarjar eo enaaj pād ippād. L̄omnak in kajjitok ippān ro kwoj katakin an Jetōb Kwojarjar eo pād ippād ekōjkan an maroñ jipañ kōj bōk aenōm̄man. Komaroñ barāinwōt kwaļok l̄om̄nak ko am̄ ak juon eñjake kōn wāween an Jetōb Kwojarjar kar jipañ eok eñjake aenōm̄man ilo juon mālijoñ. Komaroñ rōjañ ro kwoj katakin er n̄an kōļmenļokjen̄ kōn ennaan in ilo iien kwojkwoj eo wiik in.

## JODIKDIK RO

### Ewi Wāween Am̄ Naaj Kakeememej Rilom̄oḡ eo ilo Wiik In?

**B**ūreejtōn Eyring ej rōjañ kōj n̄an “kālet n̄an keememej [Rilom̄oḡ] ilo wāween eo enej kepaakl̄ok būruwōm̄ n̄an E.”

Ewi wāween am̄ “keememej E iien otemjej” ilo aolepān wiik eo (lale K&B 20:77, 79)?

Ewōr ke eon ko rem̄man ippām̄ kōn Rilom̄oḡ eo? Komaroñ kōkkaļleik juon eon kajjojo raan wiik in im kōnono kake ippān juon armej.

Kwoj ke al juon al ak bar juon al ekōkbakkak ilo l̄om̄nak eo am̄ ñe ejjab em̄man am̄ mour? Bōlen kālet juon eon eo elukkuun iookl̄ok Rilom̄oḡ eo ilo wiik in.

Kwaar ke kōļmenļokjen̄ kōn mour eo an Rilom̄oḡ im pinmuur eo ilo iien kwojkwoj eo aolep wiik? Komaroñ m̄aanjabpopo n̄an kwojkwoj eo ilo am̄ kakeememej kālet ko am̄ aolepān wiik eo n̄an keememej Rilom̄oḡ aolep iien im ukweļok kōn iien ko reppen.

Kwoj ke jar bwe en lōñ am̄ iien kwaļok gospel eo kajjojo raan? Kajjieoñ kōm̄mane juon iien kōnono kōn gospel eo ilo wiik in eo im ej pedped wōt ioon Rilom̄oḡ eo. Komaroñ kwaļok naan in kam̄ool eo am̄ kōn Rilom̄oḡ eo ilo iien nokon in jota eo an baam̄le ak kōnono n̄an juon eo jeram̄ ilo jikuuļ kōn juon am̄ eñjake ilo imōnjar eo.

Kōm̄mane juon kōttōbar n̄an keememej Rilom̄oḡ eo ilo juon wāween eaorōk wiik in. Jiroñ l̄ok juon jemān ak jinen, juon jeim ak jatim, juon ritōl, ak juon jeram̄ kōn kōttōbar eo am̄. Ilo jem̄l̄okin wiik eo, jiroñ er ta eo ekar waļok. Kom̄ naaj jim̄or eñjake aenōm̄man im m̄oñoñō kōn men kein Būreejtōn Eyring ekar kōnono kaki.

## AJRI RO

### Itok n̄an Kraist

**R**ilom̄oḡ eo ekar kallimuri kōj aenōm̄man ñe jej “Itok n̄an [E]” (Matu 11:28). Meļeļein l̄oor waanjoñak eo An im kajjieoñ epaake wōt E.

- Kautiej ilo iien kwojkwoj eo.
- Kālet bwe jen jouj im jab ekajet e ro jet.
- Riit kōn Rilom̄oḡ eo ilo jeje ko rekwojarjar.



# Baamle eo Elañlōn Ej Jutak ilo Wāppen

*Kanooj jar ilo am ekkatak kōn katak in im pukōt inuwe nān jeļā ta eo naaj tilmaake. Ewi wāween am naaj melele kōn “Baamle Eo: Juon Naan In Kean nān Lal In” kōlaplok tōmak eo am ilo Anij im kōjeramman ro kwōj katakin er ilo am kōmmāni lolok ko am? Nān melele ko rellaplok, etal nān reliefsociety.lds.org.*

Tōmak, Baamle, Deeor

**A**nij “eaar ejaake baamle ko nān bōktok nān kōj mōñōñō, nān jipāñ kōj ekkatak pedped ko rejimwe ilo juon mejatoto in iakwe, im nān kōpooj kōj nān mour indeeo.”<sup>1</sup> Jān “karōk in mōñōñō eļap” an Anij (Alma 42:8), Būreejtōn Russell M. Nelson, Būreejtōn eo an Douluo eo an Joñoulruo Rijilōk ro ekar, ba: “Karōk eo An ej kwaļok bwe maaan im kōrā ren ‘maroñ mōñōñō’ [2 Nipai 2:25]. Bwe lañlōn in ej itok ñe jej kālet nān mour ilo aenōmman kōn karōk indeeo eo an Anij.”<sup>2</sup>

Juon em eo ej pedped ioon Jisōs ej bōktok eļap iien ko remman nān bōk jeramman. Elder Richard G. Scott (1928–2015) jān Douluo eo an Joñoulruo Rijilōk ro ej kōmeleleiki āinwōt juon jikin “ijo im maroñ katak gospel eo ie, kōjparok bujen ko, im iakwe ejjab jemļok,” ijo baamle ko remaroñ mour “juon mour epokake” im erom “etōt okarid ilo gospel eo an Jisōs Kraist.”<sup>3</sup>

Būreejtōn Henry B. Eyring, Rikakpilōklōk eo Kein Kajuon ilo Būreejtōnji eo Kein Kajuon, ekar ba: “Jemaroñ errā bwe jen kōmmane

joñan ad maroñ bōk laļtak kajoor ko an lañ nān baamle eo [ad].” Im ekkā wōt ad lukkuun kōmmejaik iakwe, jipāñ, pokake, im lemōñōñō ilo mōko imōd jān “an [ajri ro nejn] roñjake naan ko an Anij innām kajjieoñe ilo tōmak. Eļāñne rej kōmmane āindein, paoktokier enaaj oktak ilo juon wāween eo ej kwaļok nān er mōñōñō eo rej pukot e.”<sup>4</sup>

## Mōko rej Pedped Wōt Ioon Kraist

Ewōr mōd mōko me rej ļoor joñak in an mōko me rej pedped wōt ioon Kraist ilo jeje ko rekwojarjar. Ālkin an jemān, Liai, mej, Nipai ekar bōk baamle eo an im ro jet me rekar tōmak ilo kōkkaļle ko im revelesōn ko an Anij im ro rekar eoroñ naan ko an Nipai ettoļok jān āneo ānen Rileman ro. Ilo jikin in ekāal, RiNipai ro remaroñ kōjparok ekajet ko, eddo ko aer, im kien ko an Irooj ilo men otemjej, ekkar nān kien an Moses (lale 2 Nipai 5:6–10). Aaet ilubwilijin RiNipai ro, jet rekar jino jab pokake.

Im meñe ro uwaan baamle ko ad remaroñ etal jān wāppen āinwōt

kar RiNipai ro, Elder Scott ekar ba bwe juon Em eo ej pedped wōt ioon Kraist ej “bōktok kallimur eo eļap kōn aenōmman im jikin kone ilo mōko imōd.” Ekar kwaļok bwe “enaaj booļ wōt apañ ko ak bōro ko rerub, ak meñe jej tarpok, jemaroñ loe aenōmman eo ilowaad im lemōñōñō eo eļap.”<sup>5</sup>

## Bar Jet Eoon

3 Jon 1:4; 1 Nipai 8:12; 2 Nipai 5:27

### KAKEEMEMEJ KO

1. *Bok in Bōk Melele 2: Tōl Kabuñ eo* (2010), 1.1.4.
2. Russell M. Nelson, “Celestial Marriage,” *Liahona*, Nov. 2008, 92.
3. Richard G. Scott, “For Peace at Home,” *Liahona*, May 2013, 30, 31.
4. Henry B. Eyring, “The Teachings of ‘The Family: A Proclamation to the World,’” *New Era*, Sept. 2015, 5, 6.
5. Richard G. Scott, “For Peace at Home,” 31.

## Ļōmņak kōn Menin

Ta eo jemaroñ in kōmmane nān wāppen ilowaan baamle ko ad?